

《華嚴經普賢行願品》 補充講表

◎附表八：

○悉以清淨身語意業，常修禮敬。

《普賢行願品輯要疏》云：「身淨，無三惡；口淨，無四過；意淨，無三毒；故悉淨也。」

時有間隔，即有染污；今既相續，故常修也。」

《普賢行願品親聞記》云：「清淨者，身業五體投地，語業稱揚讚歎，意業恭敬至誠，三

業清淨也。常修禮敬者，拜時，禮、敬雙修；不拜時，意業常敬。既知諸

佛遍一切處，塵刹身毛，皆有無盡佛身，安得不隨時隨處，常修禮敬。」

○一一佛所，皆現不可說不可說佛刹極微塵數身。一一身，遍禮不可說不可說……佛。

《普賢行願品隨聞記》云：「依普賢行願之力，及深心信解之力，於一佛前頓現多身；一

身復禮多佛，如是禮拜，無有已時。」

《普賢行願品親聞記》云：「【一一佛所】句，多身禮一佛、多身禮多佛也。【一一身】

句，一身禮多佛、多身禮多佛也。多禮一、多禮多、一禮多、一禮一四句，皆於一身禮一佛上顯。心能轉境，將一切質礙境，轉為唯心。桌子、檯凳，一切皆心，心通故，一切融通，轉成大光明藏；所禮佛身、能禮我身，隨光明藏轉多。常修轉境觀行，生處轉熟，自然轉動，而能現一身拜多佛，多身拜多佛。即或未轉動，亦要信得諸佛境界，法爾如是，豎窮橫遍。」

○虛空界盡，我禮乃盡，以虛空界不可盡故，我此禮敬無有窮盡。

《金剛經》云：「須菩提！於意云何？東方虛空可思量不？不也，世尊！須菩提！南西北方四維上下虛空可思量不？不也，世尊！」

《金剛經講義》云：「虛空無相，而不拒諸相發揮，此語最宜牢記。平常眼光以為虛空是一切無有，乃小乘之頑空耳。實則虛空乃包羅萬象，大乘經所說虛空，

正指包羅萬象而言，其中有無數相在內，方顯虛空之大。佛所說空，皆應如此去領會。須知無所不容，乃是第一義空，所謂空而不空。不可思量云者，非謂其無相，不可思量，正謂其無所不容，方是不可思量。」

○如是乃至眾生界盡，眾生業盡，眾生煩惱盡，我禮乃盡。……我此禮敬無有窮盡。

《普賢行願品親聞記》云：「如是者、以虛空一法，例眾生界、眾生業、眾生煩惱三法。」

《天台宗綱要》云：「四諦有無量相，是菩薩法，非是聲聞、緣覺所知，叫做無量四諦。」

苦有無量相，如地獄一界，便有八寒八熱、十六遊增、一百八獄、乃

至八萬四千鬲子（格子。鬲，通隔）地獄，一一獄中，受苦形狀，亦復

多種，只是地獄一界，尚有無量苦痛，何況餓鬼、畜生十法界諸苦，（諸

佛無苦，以眾生之苦為苦）所以說：「苦有無量相，十法界不同故。」

《普賢行願品隨聞記》云：「以虛空、眾生，顯其無盡。復自眾生開出業及煩惱，助明無

盡。當知虛空、眾生、業及煩惱，悉是稱性唯心，何有窮盡！
彼既無盡，故禮拜亦爾也。」

○念念相續，無有間斷；身語意業，無有疲厭。

《普賢行願品別行疏》卷六云：「疲謂疲倦，厭謂厭足；下之九門，無盡例此。」

《普賢行願品輯要疏》云：「相續，即無間也。自非普賢觀行之力，如何得念念無間？願智者審諦思惟，幸不以生滅之心，取相之禮，而修持之，自然不生疲倦之心，不起厭足之念。以下九門，可以例此。」

○復次，善男子！言稱讚如來者。

《普賢行願品輯要疏》云：「言稱讚者：稱，謂稱揚；即稱述聖德，宣揚優美。讚，謂讚歎；即讚頌德大，褒歎功高也。如來為十號之首，乃倣同先跡號也。《金剛經》云：【無所從來，亦無所去。】指法身如來也。《轉法輪經》云：【第一義諦名如，正

覺名來。】指報身如來也。成實論云：【乘如實道，來成正覺。】指應身如來也。雖云三身，實非定三。法身，如淨月；報身，如月光；應身，如月影。亦非定一。若說是一，三義宛然；若說定三，同是一月。」

《金剛經》云：「如來者，即諸法如義。」

《楞嚴經文句玄義》卷上云：「中諦為如實道，一切種智為正覺。斷無明為自覺，令他斷無明為覺他，別圓如來也。復次出二諦外，是第一義諦，不分別二邊是名正覺。」

斷十二品無明為明極，別教如來也。即二諦是第一義諦，一心三智是名正覺。

斷四十二品無明皆盡為明極，圓教如來也。復次法身本有，報身修成，應身起用，別教如來也。三身全是性具，亦復全是修顯，性修不二，圓教如來也。」

《佛說觀無量壽佛經》云：「諸佛正徧知海，從心想生。是故應當一心繫念，諦觀彼佛多

陀阿伽度、阿羅訶、三藐三佛陀。」

《觀無量壽經義疏》云：「祇由觀佛功德高深，故勸繫想。前則通舉諸佛，此則別指彌陀，結歸今經正意，故云：諦觀彼佛。多陀阿伽度，此云如來。阿羅訶，此云應供。三藐三佛陀，此云正遍知。即十號中，略舉三號。」

○所有盡法界、虛空界，十方三世一切剎土，所有極微一一塵中，……皆有菩薩海會圍繞。

《念佛與十大願王》云：「在這一段經文中，有四重無盡：一、剎土無盡。虛空之內，有無盡的剎土——世界。二、微塵無盡。世界是微塵合成的，世界尚且無盡，微塵自然無盡了。三、諸佛無盡。這一重無盡之中，復有三重無盡；每一世界有一位佛，因世界無盡之故，佛亦無盡。每一微塵即是一個世界，因微塵無盡之故，佛亦無盡。這兩種無盡，我們還可以推想而知。至於第三重「一一塵中，皆有一切世間極微塵數佛」！真是不可思議的境界了。四、三寶無盡。諸佛是佛寶。「皆有菩薩海會圍繞」是僧寶。有說法的佛，有聞法的僧，自然有法寶了。」

○我當悉以甚深勝解，現前知見，

《普賢行願品親聞記》云：「前廣此略，略去【普賢行願力】數字，當然亦有普賢行願力。

【甚深勝解】，約見理，即見法身之如理智也。【現前知見】，約見事，即見報化之如量智也。二而不二，甚深難思。」

「勝解」

《百法明門論直解》云：「於決定非猶豫境，印可任持，而為體性。不可以他緣引誘改轉，而為業用。」

○各以出過辯才天女微妙舌根，

《普賢行願品輯要疏》云：「言出過等者，大部出現品中，有一天女，有妙舌根。經云：

【譬如自在天王，有天綵女，名曰善口。於其口中出一音聲，其聲則與百千種樂，而共相應。】彼天女者，出妙音聲，不過但合天樂；今以

普賢勝解力，所出音聲，遍合法界，云出過也。」

「辯才」

嘉祥大師於《法華疏》二云：「速疾應機名辯，言含文采曰才。」

《普賢行願品別行疏鈔》卷第六云：「言「辯才」者，總有四種：

一、法無礙解：於一切法無不通達故。

二、義無礙解：於所詮道理無壅塞故。

三、詞無礙解：以智慧力，普應一切眾生心行差別。

四、辯說無礙解（樂說無礙辯）：此復有七：

（一）、應辯：一剎那間，應得一切眾生三乘五乘根性樂廣樂略者，總能應得也。

（二）、捷辯：謂言說迅捷而無蹇訥也。

（三）、峻辯：如懸河建瓴。瓴（ㄉㄨㄛˋ）：盛水的瓶子。

(四)、無疏謬辯：謂一一句義稱理合機，無疏謬之失也。

(五)、無斷盡辯：說經長時，無間斷故。

(六)、豐義味辯：凡所演說，豐足義味，此具五義：甲、甚深如雷，乙、清徹遠聞，丙、

諦了易解，丁、人心敬愛，戊、聽者無厭。

(七)、一切世間最上妙辯更無過者。

總此七種，得名辯說無礙解。」